



GUERZ ANN ESKOP GWENN,^(*)

*An Aotrou JOSEPH-MARI GRAVRAN, maro e
Kemper, ann deiz kenta a viz C'houevrer
1855, d'ann hoad a eur bloaz ha tri-ugent.*

*Verbum crucis Dei virtus.
E komz ar groaz e ma verz Doue.*

WAR DON : *Gwerz Santez Anna Wenet.*

Rouanez vraz Breiz-Izel , Gwere'hez vad Remengol ,
C'houi zo karet ho c'hano ha meulet gant anholl ;
Astennit ho tourn war-n-honn hag e kaninn breman ,
Eur werz da eunn den santel , JOSEPH-MARI GRAVRAN .

^(*) L'Oraison funèbre de Mgr. GRAVERAS a été prononcée à la Cathédrale par M. Léopold de Lésleuc de Kerouara, Chanoine et Vicaire général de Quimper. Sa vie a été écrite et publiée par M. Maupied ,

Sant Kaourintin ha Sant Pol , Sant Briek , Sant Tual ,
 Sant Patern , Sant Gwenole , Sant Herve , Sant Gwen-Eal ,
 Diskennit war ar c'houmoul da rei d'in skerijen ,
 Da ziskleria da Vreiziz buez ann Eskop Gwenn.

E Krozon e oa ganet Joseph-Mari GRAVAN ,
 Pa deuaz war ann douar , Doue a ioa gant-han ,
 Rag arog dont er bed-ma , da Werc'bez Remed-holl ,
 Gant he vamm e oa gwestlet enn Iliz Remengol .

Ha dre ma kreske enn hoad e kreske e furnez ;
 Dirag Doue hag ann dud , oa braz he santelez ;
 Ann dud koz a lavare , pa vije o tremenn :
 « Nep a vevo a velo , he-ma a rai eunn den ! »

Choaz e oa meurbed iaouank , pa vije , aliez ,
 O studia he-unan 'harz mor Douarnenez :
 Sevel a re dirag han ann amzer dremenet ,
 Kear Is , ar Roue Gralon , ar burzudou zo bet .

Lenn mad a're da dri bloaz ha skriva da bevar ,
 Hag al latin , da seiz vloaz , a zispake dispar ;
 E Kastel-Pot , e Paris en deuz bed meuleudi
 Digant aon dud a skiant a gave er studi .

Daoulinet war Mene C'hom e klevaz mouez Doue :
 « Va Mab , te vo abostol , benvel euz Gwenole ,
 » Enn d'ha vro gaer Breiz-Izel , e prezegi ar feiz ,
 » Vel ma reaz , gwechall enn-hi , sent ganet enn he c'hreiz .

Chan. hon. de Reims , Docteur en théologie et en droit canonique ,
 Docteur es sciences , etc.

Ce livre , si édifiant et si intéressant , devrait se trouver entre les mains de tous ceux qui ont connu et par conséquent aimé et admiré le saint Evêque .

Quant à notre Chant , il s'adresse à nos compatriotes , les bons habitans des campagnes , que l'Evêque de Quimper aimait à évangéliser dans cette vieille et si belle langue bretonne , qu'il parlait avec autant de pureté que d'élegance . Ces hommes , dont la reconnaissance ne s'arrête pas à la pierre tumulaire , garderont la mémoire de leur Evêque , de même qu'ils ont gardé celle des vieux saints de leur pays et des hommes apostoliques qui les ont suivis , comme le père Mounoir et Michel Le Noblet , que les Bardes du XVII^e siècle ont chantés dans des Guerz qui sont très populaires en Bretagne .

J.-P.-M. ESCOUR.

Pebez burzud eo he-man , bugale ann Arvor ,
Bezomp holl el levezenez , d'hor bro eo eun enor ;
Kanomp gant daelou a joa , kanomp a vovez huel ,
D'ann Eskop Gwenn , er vro man , meleudi eternel.

Vel e traon menez Oreb , Moisez a grene ,
O klevet trous ar gurun , mouez an Aotrou Doue ,
Joseph a gren , a lavar da Roue an Envou :
« Ia , Beleg me vezoz , trugarez deoc'h , aotrou .

En he zao , war ar menez , e velaz en draouien
Abati Landevennek , kuzet gant ar spern gwen ,
Eno dindan ar c'hoz vein , an drez hag an illo ,
Ema brema ar Venac'h , kousket enn ho beiou .

Hag ann den iaouank a ia , var eün d'ann abati ,
Daoulinet war eur c'hoz bez , setu-hen o pedi ,
O pedi Sant Gwenole , eno gwechal abad ,
Da c'houlen digant Doue ma vo eur beleg mad .

Pa vel gant heol ar mintin , o sevel a uz Breiz ,
Tour kaer Iliz Remengol , e sonj e bars enn deiz ,
Ma oa gwestedl d'ar Were'hez eno gant he vam vad ,
Hag e treuz da vont d'he zi , breac'h vor ar Faou timad .

Ha daoulinet enn Iliz karguet a vurzudou ,
Evel kement a ia di , e renk skuilla daelou ,
Ha neuze e lavaraz a galon d'ar Were'hez ,
« C'hoant o c'heuz e venn beleg , bezit ma fatronez .

» Santel eo karg eur beleg , mez pouner eo meurbet ,
» Bezit ta ma fatronez , Itron ann *holl Remed* .
» Henchit ac'hanon bemdez , me a vezoz ho mab ,
» Roit din ar c'hras da veza bepret eur beleg mad . »

He beden a zo klevet , mond a eure d'ar skol ,
Ha d'ann hoald a bemzek vloaz , ebarz e Kastel-Pol ,
Achu gant-han he studi e iaz d'ar seminer ,
Ha kerkeut e oa kaset da gloarek da Gemper .

Eno prest e tiskouezas he skiant , he speret .
Ann Eskop a ioa neuze den guiek ha brudet ,
A gas GRAVAN da Baris , da skolach Stanislaz ,
Hag e seminer Paris en deuz studiet c'hoaz .

Er bloaz mil eiz-kant-seitek , vel ma oa beleget ,
Da ben seminer Kemper e oa doc'h-tu galvet ;
Hag eno e pad nao bloaz , e prezegue bomedez
Da furmi , enn eskopti , ar Veleien nevez.

Balamour d'he wiegez e oa neuze hanvet ,
Da Vrestis evit Person ; eur garg diez meurbet !,...
Rag-tal e kavaz ann tu : an Eskop a lare :
« Mond a ra ann traou'gant-han gwelloc'h vit gan-hen-me . »

Rei a reaz eur Mision evel ma erruaz ,
Ha koueza a reaz war-n-han goude trubuilou-braz ,
Stoufa a reaz ho genou d'he holl enebourien ,
Ha renta reaz anez-ho kristenien vad zo ken !....

E kever ar bee'herien e oa karantesus ,
Hag o fardoni a re , evel ma rea Jesus !....
Nag a bee'her deuz Doue , pell , pell dispartiet ,
ENN bent mad gant madelez , en deus bet distroet....

A an dorsetourien vrasa , e Brest , er galeou ,
A zo bet sec'het gant-han aliez ho daelou ,
Disket en deveoz d'ezho meuli hano Doue ,
Dont da vesa christenien , ha salvi ho ene .

Ann arc'hant a c'houenez a ioa holl d'ar beorien ,
Gwizket kaer en em gave gant eur goz soudanen ,
Ann draze a zo guirion : n'en doa gwennek ebet
Da vont a Vrest da Gemper , pa oa Eskop hanvet .

E mil eiz-kant daou-ugent , ann Eskop Poulpiket ,
D'eur bloaz ha pevar-ugent , e Kemper zo marvet ;
Ar pastor a zo maro , hag ann aotrou Gravran ,
A zo choaset da Eskop , mez en despet d'ez han .

Mond a eure da Baris hag eno oe sakret
Gant Arc'heskop ar gear se , ann aotrou Affr hanvet ,
Ha war he giz da Gemper e tistro adarre ,
Da ziskwel d'he Veleien e kare anez he

Bezomp holl el levenez , Abostol eo d'ar feiz ,
Komzou Done zo guirion , ni a oar ze e Breiz ,
Brema potr bihan Kroson a zo eun Eskop braz ,
Spouronet war Mene-C'hom , gant Doue her c'blevaz .

Hep paouez he labourou , lavaret en deuz se ;
Evit mad he Eskopti , e c'hoanta he vale ;
Ha bepred . e brezonnek , e kar dre holl sarmon
Ann dud koz a lavare , *vije mad da Berson.*

Pa deuaz ar Republik , oa galvet da Baris ,
Da zifenn droajou ar Boibl ha droajou ann Ilis ,
Potret Paris a lare : « Eskop Kemper zo goaz ;
« Biskoaz den evel he-ma ne oa bet ama c'hoaz. »

E Paris e tispakaz he holl dalanchou kaer ,
Da ober lezennou mad , gant furnez ha douster ,
E Franc , hag er broriou-all , e komzer anez han ,
Gant ann holl e oa meulet Joseph-Mari GRAVAN.

Ar General Kavagnak , potr stard ha den a feiz ,
A fallaz dez-han vije Arc'heskop e Paris ;
Mez refusi raz a gren , vit dont da Vreiz-Izel ,
E-touez he vugale , da veva , da vovel .

Erru en he Eskopti . e kare adare ,
War ar meaz hag er c'heriou , prezeg lezen Done :
Ker brao e oie hencha ar pinvidik , ar paour ,
Evit he holl vugale en doa eur galon aour .

Biskoaz ne laraz eur gomz da ober droug na poan ,
Karout a re he nesa evel-t-han he-unan ;
Evit ann holl karantez , madelez ha douster ,
S tu pen da ben buez hon tad , hon Eskop ker .

Touriou katedral Kemper , aboe pevar e'hant vloaz
A oa mezuz da velet , ne oant ket achi c'hoaz ,
Eun devez e lavaraz , ker brao , enn eur c'houarzin ,
« Savomp holl , ma bugale , touriou sant Kourintin . »

Kerneviz ha Leoniz ha Tregeriz ive
A ro d'ann Eskop santel pep a vennek neuze ,
Ha touriou skeduz Kemper , en ear , a zao huel ,
Evit renta testeni euz a feiz Breiz-Izel .

Buez ann den er bed ma zo poaniouz ha c'houero ,
Dre eunn draonien a zaelou e renkomp mont d'hor bro ;
Pep hini a zoug he groaz , war lein Mene Kalvar
A dreuz trébuillou ar bed , anñ anken ar glac'har....

Ne oant ket c'hoaz peurachu touriou ar gatedral ,
E oe laket gant Doue , enn eur boan vraz dispar ;
Da beurvelc'hi he ene , kent evit mont gant-han ,
E tigasaz eur c'hlenvet hir ha poaniuz d'ez-han.

Vel ma n'em santaz skoet , e rankaz mont timad
Da bedi c'hoaz da Grozon , war bez he vamm , he dad ;
Ha goude e Remengol , daoulinet e pede ,
O c'houlen eur maro mad , Baradoz d'he ene.

En he gerc'hen , ar c'hrign-beo , pe ar c'hanser hanvet ,
A ra d'ez-han , pad tri miz , gouzany poaniou kalet ,
Gouzany a eure , ep klem , ar boan hag ann anken !....
Evel merzerien ar feiz en amzer ansien.

Evel Jests war he groaz , e westlaz , kent mervel ,
He vugale d'ar Werc'hez , patronez Breiz-Izel ,
Ha gant feiz hag esperanz , seder evel enn el ,
He ene gweo d'ann envou a nijaz en eur sell.

Pa oe klevet ar c'helou er pevar c'horn a Vreiz ,
Kalon ann dud a fraille , gant glac'har en ho c'hereiz ,
Ann holl a wele dourek , o krial gand aoken ,
Allas ! ... maro eo hon tad , maro ann Escop Gwenn !!! ..

Beleien ha tud ar bed , ha c'hui peorien Jesus ,
Intanvezet , minoret , c'hui holl dud malurus ,
Kollet o c'heuz ho mignon , ho pastor hag ho tad ,
Evidomp-holl , Bretonnet , ô pebez kalonnad !.....

Vel eur sant en deuz bevet Joseph-Mari GRAYRAN ,
Evel eur sant eo maro , Doue a ioa gant-han ;
Ann holl a lar eo eur sant ; *rox Populi vox Dei* ,...
Gloar da Zoue , mouez ar bobl eo ive he Hini !.....

En deiz ma oe diskennet enn he vele douar
Ar bobl a Gemper , beuzet en eur mor a c'hlac'har ,
A zougaz he gorf santel , e kear dre ar ruiou ,
Hag ann dud keaz a wele hag a skuille daelou.....

He gorf a zo e Kemper , he skevend e Kroson ,
E Brest , en Ijis Sant-Louis , e medi he galon ;
Ar bobl euz a Vreiz-Izel , en Ijis veur Kemper ,
Dre garantez deuz savet , evit-han , eur bez kaer .

Demp eta va c'henvroiz , da Ilis veur Kemper ,
Da bedi gant karantez war bez hon Eskop ker ,
Eno bemde e veler daoulinet war he ve ,
Tud an Arvor o c'houlen grasou digant Doue.

Vel Joseph-Mari GRAVAN , bezomp guir gristenien ,
Bugale vad da Zoue , bezomp mad dar beorien ;
Karantezuz vit ann holl ; er beo hag er maro ,
Kalonnek ha stard er feiz , vel ma oa hon tadou.

War douriou sant Kaourintin , euz ann env diskennet ,
Pastor mad , roid ho pennoz d'ar vro oc'h euz karet ,
Roid ho penediksion d'ar belerinet holl
A ia bep bloaz da bedi da Ilis Remengol.

Roid ho penediksion d'ann dud paour , ankeniet ,
D'ann dud a vor , a vrezel , ha d'ann holl Vretonnet ;
Roid ho penediksion ive d'hor berejou ,
E pe lec'h e kousk , e peoc'h , hon tadeu , hor mamou .

Goulennit digant Done ma kendale'himp ar feiz ,
Feiz koz Gralon , Gwenole , feiz ar Sent koz a vreiz ;
Ha deiz ar varn diveza , e vo e'hoaz Bretonnet ,
En Iliz sakr Remengol , o pedi daoulinet ! !

Ha brema , ma c'henvroiz , kanomp ho'l meuleudi ,
Kanomp holl gant levez , gloar da Joseph-Mari ;
Eur Zant neve zo savet , en hor bro Breiz-Izel ,
JOSEPH-MARI eo hanvet , gloar dean , gloar eternel ! ! ...

I.-P.-M. AR SKOUR.

Propriété de l'Éditeur :

J. HASLÉ.

ANN AOUTROU PER KERLOCH
PERSON HANVEC
MARO AR 17 A VIS GUENVER 1860.

*Memento praepositorum vestrorum qui robis
locuti sunt verbum Dei: quorum intuentes exi-
tum conversationis, imitamini fidem.*

Hebr. XIII. 7.

Ho pet sonj enz ho pa-toret, pere o deuz pre-
zeget deoc'h komzou Doue; hag o velet penozi
hant maro-bezit, evel ho, tud a feiz.

Sant Pol, hebr : chab : XIII, v. 7.

VAR DON : *Eun Doue ebken a adori.*

Kerloc'h, kousk e peoc'h, va mignon,
Belek mad ont bed e guirion,
Doue, d'ha nesa c'heuz karet,
Ar beorien noaz a c'heus guisket.

Karet a c'heuz ive, dreist oll,
Ar Wer'hez, Itron Remengol;
Gra brema e peoc'h da ziskuiz
E douar santel he Iliz.

Ken a zeuio en d'ha skouarn
Da zôn trompil skiltroz ar varn,
Katz krenvoe'h evit trouz ar c'huëor,
Katz krenvoe'h evit trouz ar mor.

Sant Kaourintin, sant Guenole,
An Escop gwen Gravran ive,
O deuz, en env, diguemeret
D'ha ene glân gant joauzdet.

Lavar dez-ho ha da sent Breiz,
E kendalc'homp bepret ar feiz,
Lavar d'ar Roue koz Gralon,
E zomp bepret tud a galon.

Kerloc'h e palez an Dreindet,
Ped Doue 'vit d'ha vignonet,
Hag ez a'int ive da repoz
Gan-ez e joa ar Baradoz

I.-P.-M. AR SKOUR.

Imprimet e Montroulez, e ty J. HASLÉ.